

語文競賽原住民族語朗讀【澤敖利泰雅語】 高中學生組 編號 1 號

babaw kayan

txiy ku niya smagan glabang balay mslingaw na babaw kayan, ru  
twangan niya siy ga myugi ru niya plaka na pl'ux yulung, niwan sa utux na  
utux bebiru ma, kruma ga wayan hminas tikay niya psxilu byux na kuki,  
niya nya ptasan sku babaw kayan ga memaw blay balay txan ki!

blay balay inlungan na babaw kayan ga, mutuw niya mhtuw witux ru  
memaw psyax na syax nya, psyaxan nya kwara tu'iy cinbwanan, txiy ku  
pinnuhiy na r'iri mhtuw sa witux lga, psyaxan nya pinnuhiy ga mutuw  
mkyay lki. atuni rahu s'yung witux lga ana r'iyas muw niya mtanah uzi,  
nanu pnawsa ta kinut ling\_ki tapih ga, mhtuw nku ya'ih behuy nya ba  
muwah pshri na 'kiyan sali, ru llingay kyanux 'sinuw ini ga ssyux ru khoni  
llahuy.

atuni blay ks'li na babaw kayan ga, llwaxan nya tikay sku babaw rhyan  
ru wahan nya psya pnuhiy r'iri, nki myanux kwara r'iri ma. ana ggalan  
uwang turing sya ga, kahun sku zik hyan niya mhtuw ru nki ba myanux  
kwara s'uli uzi ma. atuni ya'ih ks'li na babaw kayan lga, llwaxan nya rahu  
walax lga, mutuw mshuwah kwara tetu'iy, ana rmu'iy 'siy ga kyan alih nya  
wayan plkon, tiku a'ara khoni niya mpurung ru rahu balung ga, niya l'ayun

uzi ku rahu behuy, hri'un nya tu'iy ru hwahun nya uwang turing, memaw  
sami ini kba myanux ki. ba'un ta maha kani lga, siki rgon ta ku babaw  
kayan, nki blay ks'li nya ru inlungan nya.

bba'un balay kinbetux nku myanux ss'uli, ru kinbetux na witux uzi,  
nanu tehuk sku gbyan lga, phngi son nya ku witux ma, suyun nya byacing ru  
yangah maha, uwah mlahang hazi ku babaw rhayn lma. txan ta ku babaw  
kayan hani ga inble'un nya mlahang sku kwara babaw rhyan, nanu ita ku  
myanux ss'uli ga siki inble'un ta rmanga uzi ku babaw rhyan, niwan sa  
halan ta shuway sku babaw kayan ki.

ga pyux balay kinble'un nku skinut behuy kikay, niya mki sku ssali  
kwara babaw rhyan, ru pyux na koba ga kbalay rahu na intuit, kahun zik kya  
kwara na xxilu musa plaka sku babaw kayan, memaw niya msa'ang babaw  
kayan maha, tiya kinsawkan ru tiyalagay xilu hani mwah sm'ut inkiyan  
muw, niwan niya nya 'syexan ku rozi muw, ini kung kba mtayux te hugan  
sa rhyan la. kyalun niya myanux babaw hayn nku ss'uli maha, kya ta psblay  
aw, nki ta ini pksa'ang ru nki ta inblay mgluw myanux mki sku babaw  
cinbwanan ma.

語文競賽原住民族語朗讀【澤敖利泰雅語】 高中學生組 編號 1 號

天空

湛藍的天空，增添飛舞的白色雲朵，看起來像一幅畫，有時候飛機從天上飛過，從機尾噴出的煙霧畫著經過的路徑！

天空心情好，太陽出現而使大地明亮，照亮路途，有時候也會使壞，太陽如果興奮過頭，燒燙又炙熱，人們便拿出風扇開冷氣，冷排出的廢氣破壞了環境與生態。

天空若喜極而泣，雨水澆灌著農作物，賜予人們足夠的飲用水；如果氣憤，雨水傾倒、洪水氾濫、大地崩塌阻斷去路，建物屋頂像長了翅膀飛了起來，樹木寸寸折斷被推倒於地，人們生活受到干擾，應懂得憐惜安撫天空，不能挑戰它，不要存有與它爭吵對抗之心。

天空知道人類的辛勞，也了解太陽的辛苦，晚上便喚出月亮和星星守護大地，無時無刻守護著一切，我們更要懂得珍惜天空所給予的。

可是，地面上所有的家庭，都有冷氣機，還有工廠製作出大煙囪一直向上飛。

我們人類應懂得憐惜安撫天空，不能挑戰它，不要存有與它爭吵對抗之心。天空無時無刻守護著地球，我們更要懂得珍惜。